

洞天福地嶽瀆名山記

唐廣成先生杜光庭編

嶽瀆衆山

玄都玉京山在大羅之中玉清之上元京山在玉京之前峨眉山在玉京之前廣霞山在玉京之右紅映山在玉京之左紫雲山在玉京之左五閭山在玉京之後

右在玉清之上大羅之下諸山周繞玉京玄都之山以爲輔翼也

三秀山在玉京之前金華山在玉京之右寒童靈山在玉京之右秀華山在玉京之右三寶山在玉京之後飛霞山在玉京之後浮絕空山在太清之中

右三境之山皆真氣所化上有宮闕大聖所遊之處下應人身十三官府事見大洞經中

東嶽廣桑山在東海中青帝所都南嶽長壽山在南海中赤帝所都西嶽麗農山在西海中白帝所都北嶽廣野山在北海中黑帝所都中嶽崑崙山在九海中辰星爲天地心

方壘山在北海中去岸三十萬里扶桑山在東海中地方萬里日之所出蓬萊山在東海中高一千里連石山在東南辰巳之地海中沃魚山在東海中百川注之而不盈方丈山在大海中高四十九萬七千丈鍾山在北海中弱水之北萬九千里負嶠山在大海中上千日月岱輿山在巨海之中鄠都山在九壘之下一云在癸地鬼神之司

玄洲在北海中地方七千里瀛洲在東海一名青丘穆洲在東海中地方五百里祖洲在東海中地方萬里出不死草元洲在大海中地方三千里長洲在巨海中地方五千里流洲在西海中地方三千里鳳麟洲在西海中出績結膠聚窟洲在西海中地方萬里出反魂香炎洲在南海中地方二千里生洲在西海中地方二千五百里滄海島在大海中高五萬里右十洲三島五嶽諸山皆在崑崙之四方巨海之中神仙所居五帝所理非世人之所到也

中國五嶽

東嶽泰山嶽神天齊王領仙官玉女九萬人山周迴二千里在兗州奉符縣羅浮山括蒼山爲佐命蒙山東山爲佐理南嶽衡山嶽神司天王領仙官玉女三萬人山周迴二千里以霍山潛山爲儲副天台山句曲山爲佐理中嶽嵩高山嶽神中天王領仙官玉女一十二萬人爲五土之主周迴一千里洛州告成隄少室山東京武當山爲佐命太和山陸渾山同佐理西嶽華山嶽神金天王領仙官玉女七萬人山周迴二千星在華州華陰縣地肺山女几山爲佐命西城山青城山峨眉山嶽家茂山西玄具山同佐理北嶽恒山嶽神安天王領仙官玉女五萬人山周迴二千里在鎮州河逢山抱犢山爲佐命玄隴山崆峒山陽洛山爲佐理

十大洞天

第一玉屋洞小有清虛天周迴萬里王褒所理在洛州王屋縣第二委羽洞大有虛明天周迴萬里司馬季主所理在武州第三西城

洞太玄總真天周迴三千里王方平所理在蜀州第四西玄洞三玄極真天廣二千里裴君所理在金山第五青城洞寶仙九室天廣二千里竇真君所理在蜀州青城縣第六赤城洞上玉清平天廣八百里王君所理在台州唐興縣第七羅浮洞朱明曜真天廣一千里葛洪所理在博羅縣屬修州第八句曲洞金壇華陽天廣百五十里茅君所理在潤州句容縣第九林屋洞左神幽墟天廣四百里龍威丈人所理在蘇州吳縣第十括蒼洞成德隱真天廣三百里平仲節所理在台州樂安縣

右十大洞天五嶽皆高真上仙主統以福天下以統衆神也

青城山五嶽丈人希夷真君在蜀州天柱山九天司命真君在舒州廬山九天使者真君在江州

右佐命山三上司山皆五嶽之佐理以鎮五方上真高仙所居也

五嶽海濱

洞天福地嶽瀆名山記

東鎮沂山東安王在沂州南鎮會稽山永興公在越州中鎮霍山應聖公在晉州西鎮吳山成德公在隴州北鎮醫王閻山廣寧公在營州東海廣德王在萊州南海廣利王在廣州界西海廣潤王在同州界北海廣澤王在洛州界江濱東廣源王在益州立春祭淮濱南長源王在唐州立夏祭河濱西靈源王在同州立秋祭濟濱北清源王在洛州立冬祭漢濱漢源王在梁州十年并

三十六靖廬

綿竹廬在漢州綿竹縣柘林山紫蓋廬在荊州當陽縣瀘水廬在瀘州安樂山丹陵廬在洪州西山鍾君宅守玄廬在終南山尹喜宅靈淨廬在亳州太清宮送仙廬在岳州墨山孔昇觀契靜廬在鄭州圃田列子宅凌虛廬在南岳中宮鳳凰廬在襄州鳳林山子真廬在洪州西山梅福壇玄性廬在撫州南城隍魏夫人壇契玄廬在萊州共平觀啓元廬在魏州桃林古關今陝州靈寶縣出谷廬在廬山青牛谷君平廬在漢州綿竹縣君平宅斗

山廬在興元城固縣唐公昉宅光天廬在南嶽騰空廬在洪州遊惟觀昭德廬在廬山尋玄廬在江西吳猛觀得一廬在潤州鹿跡觀啓靈廬在秦州啓靈山宗華廬在洪州宗華觀彭君宅朝真廬在京兆會昌昭應山黃堂廬在江西洪州迎真廬在洪州招隱廬在江西洪州紫虛廬在南嶽魏夫人壇啓聖廬在岐州天興縣啓靈宮本名天柱廬鳳臺廬在京兆藍屋縣蕭史宅東華廬在衢州龍山縣東華觀析仙廬在洪州黃真君宅元陽廬在蘇州常熟縣張道裕宅東家廬在徐州蒙山貞陽廬在洪州曾真君宅

三十六洞天

霍童山霍林洞天三千里在福州長溪縣太山蓬玄洞天一千里在兗州乾封縣衡山朱陵洞天七百里在衡州衡山縣華山總真洞天三百里在西嶽常山總玄洞天一百里在北嶽嵩山同真洞天三千里在中嶽峨眉山虛陵太妙洞天三百里在嘉州峨眉縣廬山洞虛詠真洞天三百里在江州潯陽縣九天

使者四明山丹山赤水洞天一百八十里在越州餘姚縣劉整得道會稽山極玄陽明洞天三百里在越州會稽縣夏禹探書方白山德玄洞天五百里在京兆藍屋縣太上所現壇西山天寶極玄洞天三百里在洪州南昌縣洪崖所居大團山好生上元洞天三百里在潭州醴陵縣傅天師所居石室仙壇潛山天柱司玄洞天一千三百里在舒州桐城縣九天司命武夷山昇真化玄洞天二百二十里在建州建陽縣毛竹武夷君鬼谷山貴玄思真洞天七十里在信州貴溪縣華蓋山容城太玉洞天四千里在溫州永嘉縣玉笥山太秀法樂洞天百二十里在吉州新淦縣蓋竹山長耀寶光洞天八十里在台州黃巖縣葛仙公所居都峯山太上寶玄洞天八十里在容州白石山秀樂長真洞天七十里在容州北源句漏山玉闕寶圭洞天三十里在容州有石室丹井九疑山湘真太虛洞天三十里在道州延唐縣洞陽山洞陽隱觀洞天百五十里在潭州長沙縣幕阜山玄真太元洞天

二百里在鄂州唐軍縣吳猛上昇處大酉山大酉華妙洞天一百里在辰州界金庭山金庭崇妙洞天三百里在越州剡縣褚伯玉沈休文居之麻姑山丹霞洞天一百五十里在撫州南城縣麻姑上昇仙都山仙都折仙洞天三百里在處州縉雲縣黃帝上昇青田山青田大鶴洞天四十里在處州青田縣葉天師居之天柱山大滌玄蓋洞天一百里在杭州餘杭縣天柱觀鐘山朱湖太生洞天一百里在潤州上元縣良常山良常方會洞天三十里在茅山東北中茅君所居桃源山白馬玄光洞天七十里在朗州武陵縣金華山金華洞元洞天五十里在婺州金華縣有皇初平赤松觀紫蓋山紫玄洞盟洞天八十里在韶州曲江縣

七十二福地

地肺山在茅山有紫陽觀乃許長史宅石碓源在台州黃巖縣嶧嶺東仙源在溫州白溪南曰在處州青田玉瑤山在溫州海中青嶼山在東海口崆峒山在夏州黃帝所到都木

坑在吉州玉笥山玉梁觀乃蕭子雲宅武當山在均州七十一洞君山在岳州青草湖中桂源在連州抱福山廖先生宅靈墟在台州天台山司馬天師居處沃洲在越州剡縣天姥峯在台州天台南劉阮迷路處若耶溪在越州南樵風徑五山在夔州大仙壇清遠山在婺州浦陽縣東白山安山在交州安期先生居處馬嶺在郴州蘇耽上昇處鶴羊山在長沙縣許君新巖處洞真壇在長沙南嶽祝融峯洞宮在長沙北玉清壇在長沙北洞靈源在衡州南嶽招仙觀上峯陶山在溫州安固縣貞白先生修築處爛柯山在衢州信安縣龍虎山在信州貴溪縣天師宅勒溪在建州建陽縣靈應山在饒州北柘真人宅白水源在龍州金精山在虔州虔化縣張女真修道處閻皂山在吉州新淦縣天師行化始豐山在洪州豐城縣道遠山在洪州連西山許真君修道處東白源在洪州新其縣鍾真人宅鉢池在楚州北玉真人修道處論山在丹徒縣毛公壇在蘇州洞庭湖中包山七十二

壇劉根先生修道處九華山在池州青陽縣
寶真人上丹處桐栢山在唐州桐栢縣淮水
上源平都山在忠州鄞都縣陰君上丹處綠
蘿山在常德武陵北章觀山在澧州澧陽縣
抱犢山在潞州上黨莊周所居大面山在蜀

州青城山羅真人所居虎溪在湖州安吉縣
方真人修道處元菴山在江州都昌縣馬跡
山在舒州王先生修洞湖法處德山在朗州
武陵縣善卷先生居古名狂山雞籠山在和
州歷陽縣王峯在藍田縣商谷在商州上洛
縣四皓所隱處陽羨山在常州義興縣張公
洞長白山在宛州中條山在河中永樂縣侯
真人上丹霍山在壽州雲山在朗州武陵縣
四明山在梨州魏道微上丹處緝氏山在洛
州緝氏縣子晉上丹處臨邛山在邛州臨邛
縣白鶴山相如所居少室山在河南府連中
嶽翠微山在西安府終南太一觀大隱山在
明州慈溪縣天寶觀白鹿山在杭州天柱山
吳天師所隱大若巖在溫州永嘉縣真白先
生修真處崑崙山在萊州嶗山山公會真

處西白山在越州剡縣趙廣信上丹處天印
山在昇州上元縣洞玄觀仙公行化處金城
山在雲中郡三皇井在溫州仙巖山沃壤在
海州東海縣二疎修道處

靈化二十四

陽平化五行金節寒露上應角宿甲子甲寅

甲戌人屬上化彭州九龍縣界四十里下

化新都界四里程仙業張衡白日上昇

鹿堂化五行木節霜降上應亢宿戊午乙卯

戊申人屬漢州綿竹西北二十里永壽二

年老君天師普為神於此天真皇人所居

鶴鳴化五行金節立冬上應辰房心宿庚辰

壬辰人屬邛州大邑縣西北去縣三十里

徐老君授天師錄處徐孝道何丹陽馬成

子上升

瀉沅化五行土節小雪上應危宿丙辰戊辰

人屬彭州九龍縣西北七十里老君授范

靈真人白日上昇

葛靖化五行火節大雪上應箕宿己卯丁卯

辛卯癸卯人屬彭州九龍縣西北六十里
上清真人所居楊先賢蒲高遠為水項上
昇本名上清化

庚除化五行水節冬至上應斗宿丙寅庚子

壬戌人屬漢州綿竹縣東三十里應天上

庚除府也張力子於此白日上昇

秦中化五行水節小寒上應牛宿戊寅庚寅

壬寅人屬漢州德陽縣北二十里皇人授

韓象天文金書於此上升

真多化五行金節大寒上應女宿乙丑丁丑

人屬漢州金堂縣西北二十五里老君天
師道會之所王方平李真多上升一名上

真化

昌利化五行土節立春上應虛宿己酉己丑

人屬漢州金堂縣界二十里李八伯二度

鍊丹來往八伯於此上升

隸上化五行水節雨水上應危宿辛丑癸丑

人屬漢州德陽縣北五十里李于元衛叔

卿於此上升

湧泉化五行木節驚蟄上應室壁宿丙子癸

亥人屬漢州德陽縣西北七十里老君授
馬明生玄真錄上昇於此

桐稷化五行水節春分上應奎宿壬子壬午
人屬蜀州新津縣南十里黃帝鍊丹於此

山上有天池石碑丹竈存焉

北平化五行金節清明上應婁宿乙亥巳亥

人屬眉州彭山縣西北二十五里一名財

此山列聖高仙所遊王子喬上昇之所

本竹化五行木節穀雨上應胃宿乙巳辛巳

辛亥人屬蜀州新津縣西北二十五里黃

帝所遊郭聲子上昇於此有播壇竹因此

為名

蒙秦化五行火節立夏上應昴宿甲戌丙戌

人屬蜀州臺登縣一十五里伊尹趙龜趙

昇趙王子上昇於此

平蓋化五行土節小滿上應畢宿丁巳巳巳

癸巳人屬蜀州新津縣北三十里山有王

人長一丈三尺出則天下太平仙人崔孝

通於此上昇

雲臺化五行火節芒種上應胃參宿丙午庚

十三

午庚戌人屬閬州蒼溪縣東南三十五里

天師永壽二年九月九日上昇

灑口化五行木節夏至上應井宿乙酉丁酉

人屬興元府西縣五里陳安世姦氏女二

人上昇

復城化五行土節小暑上應鬼宿辛酉癸酉

人屬漢州什邡縣西北六十五里天師授

夏子然守一之道白日上昇

公慕化五行金節大暑上應柳宿甲申壬申

庚申人屬漢州什邡縣西北五十里天師

授蘇子玉瓊文紫字白日昇天

平崗化五行水節立秋上應星宿戊戌丁亥

人屬蜀州新津縣西南四里一名靈泉化

李阿翼君上昇於此

主簿化五行金節處暑上應張宿乙未巳未

癸未人屬邛州蒲江縣東北三十里一名

秋長化主簿王與女仙楊正見上昇之所

玉局化五行水節白露上應翼宿丁未辛未

人屬成都府南一里一名玉女化老君天

師永壽元年降此地涌玉局因以為名

十三

北邙化五行土節秋分上應軫宿戊子甲午
人屬東都城北務成子帛和王子晉呂恭
呂文起於此昇天龍朔二年老君見

洞天福地藏讀名山記